

ՀԱՂԱՐԴՈՒԹՄՆԵՐ

Գ. Յ. Պետրոսյան

Ե. ՉԱՐԵՆՑԻ ԳՈՐԾՈՒՆԵՈՒԹՅԱՆԸ ՎԵՐԱԲԵՐՈՂ
ՓԱՍՏԵՐ ԵՎ ԹՎԵՐ

Եղիշե Չարենցի ծննդյան 60-ամյա հորեկյանը առիթ է ի հայտ բերելու այն բոլոր վավերագրերը, համապատասխան կաղամակերպությունների և վերադաս օրգանների որոշումները, որոնք առնչվում են զրոգի կյանքին ու զործունեությանը, լրացնում մինչև այժմ եղած որոշ թերիները:

Գրականության և արվեստի թանգարանում պահպանվող Չարենցի ֆոնդից բացի, բավականաչափ նյութեր են պահպանվել ՀԳԴՄ Ասոցիացիայի ֆոնդում. այդ նյութերը վերաբերում են Չարենցի զործունեության 1922—35 թվականներին:

Նախքան այդ փաստերի թվարկումը, հարկ ենք համարում տալ մի այլ վավերագիր, որը վերջերս ձեռք է բերել թանգարանի զիրեկցիան:

Երևանի դրամատիկական ստուդիայի
վարիչ ընկ. Վարդան Միրզոյանին.

Հ. Ս. Խ. Հ.

Լուսավորության ժողովրդական

կոմիտեի ատ

№ 239

30 դեկտեմբ. 1920 թ.

Երևան

Լուս. ժող. կոմիտեի կարգադրությամբ հայտնում ենք ի կարգադրություն, որ Ձեր ղեկավարության ներքո գտնվող դրամատիկական ստուդիան առաջիկա թվի հունվարի մեկից պետականացվում է և որպես դրամատիկական ստուդիա, գրվում է Երևանի Գավառական Հեղկոմի իրավասության ներքո:

Առաջարկում ենք դրամատիկական ստուդիայի գոյքն ու զործերը հանձնել Երևանի Գավառական Հեղկոմի կրթական բաժանմունքին և այդ մասին հայտնել մեզ ի գիտություն:

Արվեստի բաժնի վարիչ՝ Եղիշե Չարենց
Խ. Բարսուղար՝ Ա. Կարապետյան

Ասոցիացիայի ֆոնդում եղած Չարենցին վերաբերող նյութերից նպատակահարմար ենք համարում ժամանակագրական կարգով համառոտակի տալ հետևյալները.

1) Երև. ղեկավարացիայի ձևագիր օրինակը (տպագրված է «Խորհրդային Հայաստան», № 130, 1922 թ.):

2) Ցուցակ, որից պարզվում է, որ Չարենցը ՀԳԴՄ մեջ է մտել 1925 թ. (զրոգների միության տոմս, № 23):

3) 1928 թ. փետրվարի 12-ի ՀԳԴՄ Կենտրոնական կոմիտեի նիստի որոշումը, որով Չարենցը մացվում է Կենտրոնական կաղամակ և ներկայացվում հերթական պլենումի հաստատմանը:

4) 1928 թ. հունիսի 12-ին նույն կաղամակերպության նիստում Չարենցն ընտրվում է «Գրական զիրեկցիա»-ի խմբագրական կոլեգիայի անդամ:

5) 1928 թ. սեպտեմբերի 30-ին քննարկվում է Գրական ստուդիայի բացման և դասեղեկագիր 9—9.

սաբաշխման խնդիրը. որոշվում է ստուգիայում պոետիկայի ժամերը հատկացնել Չարենցին

6) 1928 թ. դեկտեմբերի 1-ի ՀԿ(Բ)ԿԿ քարտուղարություն № 1 արձանագրության քաղվածքը՝ ՀԿԿ Ասոցիացիայի գեկավար օրգանների մասին, որով հաստատվում է Վարչության կազմը 11 հոգուց, այդ թվում Չարենցը:

7) 1930 թ. մայիսի 25-ին Պրոլետարոզների Ներքին կազմակերպության ժողովում Չարենցը ղեկուցում է Պետհրատի 1930 թ. գեղարվեստական գրականության հրատարակչական պլանի և այլ կարևոր խնդիրների մասին: Ժողովը ողջունում է Չարենցի նախաձեռնությունը և գոհունակությամբ նշում, որ հատուկ ուշադրություն է նվիրված ուսու, հայ, վրացի և ադրբեջանական կլասիկ ժառանգության և պրոլետարոզների ստեղծագործության հրատարակության ընդլայնման խնդրին:

8) Հայկինոյի ինֆորմացիոն բյուրոնում նշվում է, որ 1931 թ. պլանի մեջ մտել են մի շարք լիամետրաժ սցենարներ, այդ թվում Չարենցի «Ապստամբություն» սցենարը, որի նյութն առնված է Հայաստանի քաղաքացիական կռիվների շրջանից:

Սցենարը, որից Չարենցի ֆոնդում պահպանվել են մի քանի սեպարատ ֆրագմենտներ, գրված է «Երկիր Նաիրի» և «Խմբապետ Եսմարչ»-ի ստեղծագործությունների հիման վրա:

9) 1931 թ. մայիսի 15-ին Չարենցը որպես Պետհրատի գեղարվեստական գրականության բաժնի վարիչ, ուղարկում է ՀԿԿ Ասոցիացիային մի զրույցում, որով վրաստանի Պետհրատին ներկայացնելու համար սլահանջում է համապատասխան գրական գործեր՝ վրացերեն լեզվով հրատարակելու նպատակով:

10) 1931 թ. սեպտեմբերի 19-ին Ասոցիացիայի քարտուղարությունը Չարենցին և մի քանի այլ գրողների ընտրում է Հենրիանական ուսուցչական կոնֆերանսի պատգամավոր:

11) 1931 թ. սեպտեմբերի 25-ին Չարենցն ընտրվում է ՍՍՌԿ Գիտությունների ակադեմիայի կողմից կազմակերպվելիք ԽՍՀՄ աղագրությունների գրականության ցուցահանդեսի կազմակերպիչ հանձնաժողովի անդամ (հանձնաժողովի կազմումն են եղել Գ. Դեմիրճյանը, Վ. Թոթովենցը, Վ. Ալազանը և ուրիշներ):

12) Այդ նույն ժողովում Չարենցն ընտրվում է ՀԿԿ ֆեդերացիայի երկրորդ քարտուղար:

13) 1932 թ. օգոստոսի 26-ին ԽՍՀՄ կազմակերպության հանձնաժողովի նիստում, Չարենցը ղեկուցում է Պետհրատի 1933 թ. գեղարվեստական գրականության հրատարակչական պլանի մասին, կանգ է առնում մի շարք կոնկրետ խնդիրների վրա՝ եղած հրատարակչական գործը բարելավելու նպատակով:

14) 1932 թ. սեպտեմբերի 9-ին Չարենցը ընտրվում է գրողների կենցաղը բարելավող հանձնաժողովի անդամ:

15) 1932 թ. սեպտեմբերի 9-ի ՀԿԿ գրությունը Չարենցին, որով հայտնվում է, որ նրա նախագահությամբ առանձնացվել է հանձնաժողով Մ. Գորկու գրական 40-ամյա հոբելյանը Հայաստանում նախապատրաստելու համար: Չարենցին առաջարկվում է ներկայացնել աշխատանքի ծրագիր և համապատասխան առաջարկներ հոբելյանը պատշաճ ձևով նշելու համար:

16) 1933 թ. հուլիսի 20-ի Չարենցի նամակը ՀԿԿ կազմկոմիտեին՝ Նամակից պարզվում է, որ 1932 թ. Պետհրատը Չարենցին առաջարկել է կազմել և խմբագրել Հ. Թումանյանի երկերի լիակատար ժողովածուն: Չարենցը հանձն է առել այդ հայտնում է, թե ինչպես է աշխատել ինքը Թումանյանի հրատարակության վրա. խմբագիրը նշում է. «Հաճախ մի քանի ամիս ստորակետի համար ես ստուգել եմ մի քանի վարիանտներ, ինչպես անտիպ, այնպես էլ տպված»:

Նամակը պատկերացում է տալիս, թե ինչպես է բմբռնել Չարենցը կազմողի և խմբագրողի պարտականությունները (Չարենցի խմբագրությունը Թումանյանի ժողովածուն լույս է տեսել 1934 թ.):

17) 1934 թ. հունվարի 14-ին ԽԿՄ կազմկոմիտեի քարտուղարությունը որոշում է ընդունում գրականության և գրամատուրգիայի մասին ղեկուցումներ կարգալ Հենրիանական հասարակության համար: Ձեկուցողների ցանկում է նաև Չարենցը:

18) 1934 թ. փետրվարի 8-ին Գրողների կազմկոմիտեն զիմում է մի շարք բանաստեղծների՝ այդ թվում և Չարենցին, խնդրում շտապ կարգով գրել զարնանացանին նվիրված երգերի տեքստերը:

19) 1934 թ. հունիսի 14-ին Չարենցի դիմումը ՀԽՖՍ Կազմկոմիտեին, իրեն Միության մեջ քննարկելու մասին:

20) 1934 թ. նոյեմբերի 1-ի ՀԽՖՍ վարչության նիստը որոշում է մի շարք զրոգների՝ նաև Չարենցին հանձնարարել մասնակցելու երկաթուղում կազմակերպվելիք զրոգների ժողովին:

21) ա) 1934 թ. դեկտեմբերի 23-ի ՀԽՖՍ վարչության նիստը որոշում է «Литературный критик» ամսագրի համար զրել հոդվածներ, ինչպես հայ կլասիկների, այնպես էլ սովետահայ առաջավոր գրողների՝ այդ թվում և Չարենցի մասին:

բ) Տարբեր հիմնարկներին և կազմակերպություններին կից կազմակերպել դրական խմբակներ, ամրացնելով դրանց սովետահայ զրոգներին: Չարենցը կցվում է Գրողների տան խմբակին:

21) 1934 թ. դեկտեմբերի 29-ին ՀԽՖՍ Կազմկոմիտեի քարտուղարության նիստում Միության աշխատանքի եռամսյա ծրագրի համաձայն, որոշվում է Ղամարլուի (ներկայիս Արտաշատ) քաղաքացիական կոնֆիների պատմությունը գրելու համար կազմել գլխավոր խմբագրական հանձնաժողով: Չարենցը հանձնաժողովի կազմի մեջ է: Նույն նիստում որոշվում է քննարկել «Դիրք ճանապարհ»-ի ժողովածուն:

Բացի մերոչիշակ փաստերից, Ասոցիացիայի ֆոնդում պահպանվել են նաև Չարենցին ուղղված այլ գրություններ, փաստաթղթեր, որոնք Չարենցի գործունեությունը լուսարանում են բազմազան կողմերով: